

OHR pozdravlja spremnost RS da surađuje s Državnim sudom i međunarodnom zajednicom u borbi protiv kriminala

OHR pozdravlja tijesnu suradnju koju je Ministarstvo unutrašnjih poslova RS ovih dana ostvarilo s međunarodnom zajednicom i Sudom BiH u borbi protiv kriminala. Ministarstvo unutrašnjih poslova odigralo je osobito pozitivnu ulogu u dovođenju pred sud predmeta Milaković.

Aktivnosti koje je Ministarstvo unutrašnjih poslova poduzelo ovih dana izravno su dovele do oslobađanja šest žena iz istočnoeuropskih zemalja, koje su, kako se navodi, protiv njihove volje bile držane u jednom noćnom klubu u Prijedoru, čiji je vlasnik Milorad Milaković. Ovaj slučaj je primjer djelotvorne suradnje između policijskih tijela, međunarodne zajednice i sudova. Informacije o ovim ženama dostavio je SFOR Ministarstvu unutrašnjih poslova RS, koje je odmah poduzelo energične mjere. Bitno je isto tako napomenuti da je Ministarstvo unutrašnjih poslova RS, uviđajući da je trgovina ljudima međunarodno krivično djelo, prebacilo cijeli predmet zajedno sa pritvorenicima u nadležnost Tužiteljstva BiH. Ovaj predmet će se dalje procesuirati pred Sudom BiH.

Sud Bosne i Hercegovine ustanovljen je uz snažnu potporu Visokog predstavnika da bi radio na upravo ovakvim slučajevima. Trgovina ljudima međunarodno je krivično djelo, te stoga Sud BiH i Tužiteljstvo BiH imaju nadležnost da procesuiraju ovu vrstu krivičnih djela.

Uloga međunarodne zajednice se sastojala u tome da potakne veću koordinaciju i suradnju između organizacija koje se bore protiv kriminala na svim razinama BiH i u okviru regije.

Razmjere organiziranog kriminala na Balkanu zaista predstavljaju krizu koja se štetno odražava na stabilnost svih država u regiji. Ova se kriza mora izravno rješavati, što i jeste razlog da svi kojima je u nadležnosti borba protiv organiziranog kriminala moraju raditi zajedno.

Visoki predstavnik je rekao: "Organizirani kriminal tiče se svakog građanina BiH, bez obzira na nacionalnost i mjesto gdje živi. Prema tome, pozdravljamo novoiskazanu spremnost Ministarstva unutrašnjih poslova RS da surađuje s međunarodnom zajednicom i relevantnim institucijama, uključujući Sud Bosne i Hercegovine, u borbi protiv ove pošasti".